

Jannata Isiniif Waadaa Galamte Kafaruu fi Shirkii Hojjachuun hin dhabinaa-kutaa
2.2

Description

Qananii Jannataa-kutaa 2

Jannata Keessatti Gamoowwan

Dhugumatti wanti namni jiruu keessatti hawwu keessaa tokko gamoo ykn mana bareedaa qabaachudha. Jireenyi addunyaa tuni iddo qormaataa waan taatef, hawwiin kuni nama hundaaf hin guuttamu. Kanaafu, iddoon hawwiin kuni itti guuttamu eessa jettanii yaadduu? Bakki hundarra gaariin hawwiin kuni namaaf guuttamu Jannata. Sababni isaas, gamoon addunyaa tana keessatti argatan takkaa balaan itti bu'uun diigama, takkaa immoo irraa du'uun duubatti dhiisan. Gamoon Jannataa immoo yeroo hunda turaa gonkumaa hin diigamne, namni achi keessa seenes kan hin duunedha. Kanarratti dabalatee, gamoon Jannataa bareedinna isaatii fi guddinna qananii of keessaa qabuu sammuu keessatti kaasun ni ulfaata. Rabbiin subhaanahu wa ta'aalaa ni jedha:

لَكِنَ الَّذِينَ أَنْقُوا رَبَّهُمْ لَهُمْ عُرْفٌ مِّنْ فَوْقَهَا عُرْفٌ مَّبْنِيَّةٌ تَجْرِي مِنْ تَحْنِهَا
٢٠ الْأَنْهَرُ وَعْدَ اللَّهِ لَا يُخْلِفُ اللَّهُ الْمِيعَادُ

Garuu warrooni Gooftaa isaanii sodaatan, goloota gubbaa isaanii irratti goloonni ijaarraman, jala isaanii laggeen yaa'antu isaaniif jira. [Kuni] waadaa Rabbiiti. Rabbiin waadaa [Isaa] hin diigu .” Suuratu Az-Zumar 39:20

Kana jechuun namoonni Isaaf ajajamuu fi ibaadaa Isaaf qulqulleessuun Gooftaa isaanii sodaatan, Jannata qananii keessatti gamoowwan gurguddoon isaaniif qopheefamanii jiru. Gamoowwan gurguddoo kanniin keessatti goloota gubbaa gubbaan walirraan ijaarramantu isaaniif jira. Golootaa fi manneen isaanii jala laggeen ni yaa'u. Rabbiin kana gabroota Isaa Isa sodaataniiif waadaa guuttamuu fi mirkanaa'u seenee jira. Rabbiin subhaanahu waadaa Isaa hin diigu.[\[1\]](#)

Rabbitiin subhaanahu wa ta'aalaa ni jedha:

﴿يَا أَيُّهَا الَّذِينَ ءَامَنُوا هَلْ أَدُلُّ كُمْ عَلَى تِجَارَةٍ تُنْجِيُّكُمْ مِّنْ عَذَابٍ أَلِيمٍ ﴾١٠﴿ تُؤْمِنُونَ بِاللَّهِ وَرَسُولِهِ وَتُجَاهِدُونَ فِي سَبِيلِ اللَّهِ بِأَمْوَالِكُمْ وَأَنفُسِكُمْ ذَلِكُمْ خَيْرٌ لَّكُمْ إِنْ كُنْتُمْ تَعْلَمُونَ ﴾١١﴾

“Yaa warra amantan! Daldala azaaba (adabbii) laalessaa irraa isin baraarutti isin qajeelchuu? Rabbii fi Ergamaa Isaatti ni amantu, karaa Rabbii keessatti qabeenya keessanii fi nafsee teessaniin ni qabsooftu. Yoo kan beektan taatan, kanatu isiniif caala.” Suuratu As-Saff 61:10-11

Yaa warra Rabbii fi Ergamaa Isaa dhugoomsitan! Daldala azaaba garmalee nama dhukkubsuu irraa isin baraarutti isin qajeelchuu? Daldalli kunis: Rabbii fi Ergamaa Isaatti amanuu itti fufu, diinii Isaa gargaaruuf qabeenya fi nafsee qabdaniin karaa Rabbii keessatti ni qabsooftu. Miidhaa fi faayda wantootaa kan beektan yoo taatan, daldala addunyaa caalaa daldala kanatu isiniif caala. Itti aansee bu’aa daldala kanaa ni dubbata:

يَغْفِرُ لَكُمْ ذُنُوبَكُمْ وَيُدْخِلُكُمْ جَنَّتٍ تَجْرِي مِنْ تَحْنِهَا الْأَنْهَرُ وَمَسَكِنَ طَيْبَةً فِي
جَنَّتٍ عَدَنٍ ذَلِكَ الْفَوْزُ الْعَظِيمُ ﴿١٢﴾

“Badiiwan keessan isiniif araarama, Jannata jala ishii laggeen yaa’anii fi Jannata Adn keessatti iddo jireenyaa gaarii ta’e isin seensisa. Suni Milkaa’inna Guddaadha.” Suuratu As-Saff 61:12

Yaa warra amantan! Wanta Rabbiin itti ajaju yoo hojjatan, badii fi cubbuu keessan isiniif haguuga, irra darba. Jannata gamoo fi mukkeen ishii jala laggeen yaa’an isin seensisa. Akkasumas, Jannata Adn (qubanna yeroo hundaa keessa turan) keessatti iddo jireenyaa qulqulluu fi bareedaa ta’e isin seensisa. Kuni milkaa’inna guddaadha.[\[2\]](#)

Rabbitiin subhaanahu wa ta’alaa warra Jannataa fi qananii Jannataa keessaa muraasa yommuu ibsu akkana jedha:

﴿وُجُوهٌ يَوْمَئِذٍ نَّاعِمَةٌ ﴿١٠﴾ لِسَعِيهَا رَاضِيَةٌ ﴿٨﴾ فِي جَنَّةٍ عَالِيَةٍ ﴿٩﴾ لَا
 تَسْمَعُ فِيهَا لِغَيَّةً ﴿١١﴾ فِيهَا عَيْنٌ جَارِيَةٌ ﴿١٢﴾ فِيهَا سُرُرٌ مَرْفُوعَةٌ
 وَأَكْوَابٌ مَوْضُوعَةٌ ﴿١٣﴾ وَنَمَارِقٌ مَصْفُوفَةٌ ﴿١٤﴾ وَزَرَابِيُّ مَبْثُوثَةٌ ﴿١٥﴾﴾

“Fuulonni gariin Guyyaa san qanani’oodha. Carraaqqi isaanitti gammadoodha. Jannata ol'aantu keessatti. Ishii keessatti laaghiyah hin dhagayan. Ishii keessa burqituu yaatutu jira. Ishii keessa sireewan ol fuudhaman, Kubbaayyawan kaa’aman, Boraatiwwan tarree galfamanii fi afaawwan diriirfamantu jira.” Suuratu Al-Ghaashiyah 88:8-16

Guuyyaa Qiyaamaa fuulli mu’mintootaa qanani’aa fi ifaadha. Fuula isaanii irraa iftii fi qananiin ni mul’ata. Rabbiif ajajamuun wanta addunyaa keessatti carraaqaa turaniif Aakhiratti mindaa hojii isaaniittti gammadu. Jannata bakki ishii ol'aanaa ta'e, sadarkaanis garmalee ol'aanaa ta'ee fi qanani hunda of keessatti hammatte keessatti. “**Ishii keessatti laaghiyah hin dhagayan.**” Kana jechuun Jannata keessatti dubbi faaydaa hin qabnee fi sobaa hin dhagayan. Jannata keessa burqaalee akka fedhanitti burqiisisanii fi garagalchantu keessa yaa’aa. Ammas, Jannata keessa sireewan (alga) ol fuudhaman, kubbaayyawan warra dhuganiif qopheefaman, boraatiwwan tarreefamanii fi minxaafi baay’ee afamantu keessa jira.[\[3\]](#)

Surur jechuun sireewan

Marfuu’ah-ol fuudhamte (olkaafamte)

Akwaab-kubbaayyawan (Ingilffaan Cups)-kuni meeshaa dhugaatiti.

Mawduu’ah-kaa’amte

Namaariq- boraatiwwan xixiqoo irratti hirkatan

Masfuufah-tarree galfamte

Zaraabiyy- afaawwan (minxaafiwan)-Ingliffaan carpets

Jannata keessatti sireewan ol kaafaman, kubbaayyawan dhugaatiif warra Jannataaf kaa’aman, boraatiwwan irratti hirkachuuf tarreefamanii fi minxaafi baay’ee afaman ni jiru. Akkam akka jiranii fi bareedinna isaanii Rabbumatu beeka. Dhugumatti garmalee kan namatti tolaniif fi fakkaatan isaanii addunyaa keessatti kan hin argamneedha. Rabbiin subhaanahu wa ta’alaa ni jedha:

٥٤
 مُتَكَبِّينَ عَلَىٰ فُرْشٍ بَطَائِنُهَا مِنْ إِسْتَرْقٍ وَجَنَّى الْجَنَّاتِ دَانِ

“Firaasha keessi isaa hariira furdaa irraa ta'e irratti hirkatanii taa'u. Fuduraaleen Jannata lamaanii dhiyoodha.” Suuratu Ar-Rahmaan 55:54

Hariirri uffata laafaa (lislis), qaalii ta'ee fi garmalee namatti toluudha. Keessi ykn jalli firaasha Jannataa

hariira irraa kan hojjatame yoo ta'e, alli (gubbaan) isaa hoo akkam ta'inna laata! Dhugumatti bareedinna firaasha kanaa Rabbii olta'aa qofatu beeka. Firaafireen Jannataa isaanitti dhiyoodha. Rabbiin subhaanahu wa ta'aalaa warra kana keessaa nu haa godhu.

[1] Tafsiiru muyassar-460, Ma'aariju tafakkuri-12/192

[2] Tafsiiru muyassar-552

[3] Tafsiiru Muyassar-592, Tafsiir As-Sa'dii-1088,

Date Created

June 29, 2020

Author

admin